

# VITA SANCTI BLAITMAICI

ABBATIS HIIENSIS ET MARTYRIS.

Apud Mabilonium, Acta Sanctorum ordinis S. Bened., sæc. III, ex Causio et Bollando.)

## I. PROLOGUS.

Si tantam meruere suo pro carmine famam,  
 Qui scelerosorum mores et facta tulerunt  
 Laudibus in cœlum, perfusi dæmonis arte,  
 Frivola nectentes hominum monimenta malorum :  
 Cur non liberius sanctorum facta canamus,  
 Quos placuisse Deo nobis miracula produunt?  
 Quæ fidei virtute gerunt per munera Christi.  
 Nam Scriptura canit, Domino spondente pusillis :  
 Os aperire tuum studeas, ego verba ministro (*Psal.*  
 LXXX).

Quapropter, venerande Pater, charissime Felix,  
 Præceptis parere tuis ex corde paratus  
 Strabus ego, misit quem terra Alamannica natu,  
 Scribere disposui de vita et sine beati  
 Blaitmaici, genuit quem dives Hibernia mundo,  
 Martyriique sequens misit perfectio cœlo,  
 Ipsius ut meritis veniam per sæcla capessam.

## II. BLAITMAICI PATRIA, REGIUM GENUS.

Regali de stirpe satus, summumque decorem  
 Nobilitatis habens, florebat regius hæres  
 Iste Dei sanctus vitam ducendo pudicam ;  
 Quodque solet raro factum et non sæpe videri :  
 Quanto major erat, tanto dejectior ibat.  
 Spes patriæ, fortuna patris, rex ille futurus ;  
 Iudicio justus, prudens, et corpore castus,  
 Sobrius, ornatus, jocundus, cautus, honestus :  
 Nobilis in genere egregio, generosior actu ;  
 Obsequio locuples, melius virtutibus auctus ;  
 Tractabat laicus quod clericus efficiebat.  
 Cujus honorandum nomen sermone Latino,  
 Pulcher natus adest : meritoque probabilis illo  
 Nomine dignus erat, Patrem qui cunctipotentem  
 Elegit, pulchroque Deum quæsitivæ amore.

## III. FUGIT AD MONASTERIUM.

Sordebant terrena animo divina petenti,  
 Secretumque latens in solo pectore mansit,  
 Donec ad effectum processit sancta voluntas.  
 Cœnobium furtim quoddam sine teste petebat :  
 Quique fuit pridem patriæ per regmina princeps,  
 Nomine pro Christi est factus tunc verba minoris.  
 Fascibus in mediis qui quondam terruit omnes,  
 Omnibus admissis sibimet sine milite servit.

## IV. PATRIS EJUS PRO CERUMQUE ILLECEBRÆ DISCUSSÆ.

Fama ut forte volans patriis pervenit ad aures,  
 Hinc stupor atque dolor mentem cinxere parentis.  
 Subtractum dolet hæredem, mittitque senatum,

A Agmina, prætores, populum, præcepta, manipulos.  
 Duxque comesque ibant, properanter episcopus  
 Abbatumque cohors, vicini, carne propinqui ;  
 Hoc solum nitente manu, si qualibet arte  
 Efficerent reducem vitata pericula mentem  
 Corde subire alio. O talis quam cæca voluntas !  
 Ille procellarum se vix de gurgite dempsit,  
 Quæsitoque diu titubans stetit anchora portu.  
 Nondum curarum potuit laxasse rudentes,  
 Nec terra fixisse pedem ; cum concita ventis  
 Aura pharetratis impegit ab æquore puppin.  
 Vique sua tremulam dissolveret unda carinam,  
 Ni regeret proram, qui sæcula cuncta gubernat.

## V. BLAITMAICI VIRTUTES ; PRÆFECTURA.

B Mox miro a cunctis semper complexus amore,  
 Cunctorum studuit fieri dicique minister.  
 Mente humilis, linguæ custos, et norma honorum.  
 Verba Dei capiens sitienti corde libenter,  
 Discendi studiosa gerens præcordia, libris  
 Perdidit divina animo documenta sagaci.  
 Sicque vigens doctrinarum morumque nitore,  
 Agmina multorum rexit veneranda virorum ;  
 Exemplis sua dicta probans, vanosque favores  
 Pro nihilo ducens : cui laus et gloria solum  
 Christus erat, Christus sermo, Christus documen-  
 tum.

C Pax clypeus, lorica preces, patientia bellum,  
 Mucro Dei verbum, spes et dilectio totum.  
 Nulli detraxit, nulli convicia struxit.  
 Singula quid fieri per singula verba necesse est,  
 Cum quidquid legitur virtutum, rite teneret,  
 Et quidquid vitii monstrat Scriptura, caveret  
 Omnibus existens feliciter omnia factus,  
 Ut cunctos faceret Christo sua lucra referre.  
 Utilis et prudens servus per ovilia Christi,  
 Tempore qui certo mensuram farris opimi  
 Conservis tribuens, radiavit ubique fidelis.

## VI. MARTYRII PALMAM EXOPTAT.

D Uique nihil meriti, nihil et probitatis abesset,  
 Martyrii palmam quæsitivæ mente benigna,  
 Scipius hac causa peregrinas visere terras  
 Nisus, ab incepto populo retrahente quievit.  
 Unde animo sedit fugitivo calle parumper  
 Optatam tentare viam cum discipulorum  
 Agmine non multo, pretiosa monilia secum  
 Virtutum sub mole gerens : ruptisque tenebris,  
 Nocte fugam capiens, properanter abire parabat.

\* Nunc brah sive braa Hibernis pulchrum sonat, mac filium ; ex Bollando.

Ecce superveniens fugitivis turba sequentum,  
 Ad caulas capto retrahit pastore bidentes.  
 Hoc quoque non taceam, sanctus quod Spiritus illi,  
 More prophetarum, rerum secreta ferebat.  
 Nam dum fama patrem longe lateque beati  
 Ipeius ad superos vita fugiente volasse  
 Proderet, exposuit non esse, sed esse futurum  
 Post modicum tempus, sancto spiramine doctus.

#### VII. SECEDIT IN INSULAM HII.

Insula Pictorum quædam monstratur in oris,  
 Fluctivago suspensa salo, cognominis Eo <sup>a</sup>,  
 Qua sanctus Domini requiescit carne Columba.  
 Hanc petitit voto patiendi stigmata Christi.  
 Illic namque frequens pagana caterva Danorum  
 Adventare solet, furiis armata malignis.  
 Sed sanctus Domini tales tentare leones  
 Disponens animo, vanæ formidine mentem  
 Exiit, et clypeo fidei galeaque salutis  
 Munitus, hominum non horruit arma malorum.  
 Qui cum doctiloquo potuit cecinisse Propheta :  
 Est Deus adjutor mihimet, timor improbus absit.

(Psal. cxvii.)

Jam quoque doctus erat per publica bella ministros  
 Temnere dæmonicos, ipsum qui rite tyrannum  
 Straverat, et cunctis solus superavit in armis.

#### VIII. DANORUM ADVENTUM PRÆDICT.

Tempus erat quo magna Dei clementia servum  
 Consociare suum nitidis super astra maniplis  
 Disposuit, certamque bono conferre coronam  
 Victori : cum sancta viri mens præscia rerum  
 Venturos properare lupos, ut membra piarum  
 Dividerent ovium, sensu prænosceret alto.  
 Vos, ait, o socii, vobiscum mente sagaci  
 Quærite, si pœnas Christi pro nomine vobis  
 Sit tolerare animus. Mecum quicumque potestis  
 Expectare, precor, sensus armate viriles.  
 At quibus infirmi pavitant penetralia cordis,  
 Ecce fugam celerent, ut parta pericula vitent,  
 Ad meliora suos armantes vota lacertos.  
 Proxima stat nobis certæ tentatio mortis.  
 Firma fides vigilet, rebus suspensa futuris :  
 Cauta minus fortes servet tutela fugarum.  
 His dictis compuncta cohors, quod posse videbat,  
 Hoc animo statuit. Quidam sub pectore firmo  
 Sacrilegas spectare manus, gladioque furenti  
 Supposuisse caput gaudebant mente serena.

<sup>a</sup> Aliis Jova et Hii insula, in qua Hiiense monasterium.

<sup>b</sup> Dani adjacentesque Britanniam insulam vexaverunt non semel. Hanc irruptionem contigisse puto

**A** Ast alii quibus hoc nondum fiducia mentis  
 Persuasit, per nota fugam loca calle capessunt.

#### IX. MARTYRIO CORONATUR.

Aurea discutiens tenebras aurora madentes  
 Claruit, et nitidus pulchro sol orbe refulsit :  
 Cum sacer hic doctor missarum sancta celebrans  
 Officia, ante sacram vitulus stetit integer aram,  
 Hostia grata Deo mucrone litanda minaci.  
 Cætera turba jacet, lacrymis precibusque Tonanti  
 Commendans animas de pondere carnis ituras.  
 Ecce furens maledicta cohors per aperta ruebat  
 Tecta, viris minitando pericula sæva beatia.  
 Et reliquis rabida sociis feritate peremptis,  
 Ad sanctum venere Patrem, pretiosa metalla  
 Reddere cogentes, queis sancti sancta Columba  
 Ossa jacent, quam quippe suis de sedibus arcam  
 Tollentes tumulo terra posuere cavato  
 Cespitem sub denso, gnari jam pestis iniquæ.  
 Hanc prædam cupiere Dani : sed sanctus inermi  
 Restitit... manu firmo conamine mentis  
 Contra stare aciem, pugnamque lacessere doctus,  
 Cedere dissuetus, tibi talia, Barbare, dicta,  
 Ingerit : Ignoro penitus, quod quæritis aurum  
 Quo sit humi positum, tectum quibus atque latebris.  
 Quod si scire mihi, Christo admittente, liceret,  
 Nunquam nostra tuis hoc auribus ora referrent.  
 Barbare, duc gladios, capulum cape, jamque trucida.  
 Auxilio, Deus alme, humilem commendo tuo me.  
 Hinc pia truncatis discernitur hostia <sup>b</sup> membris .  
**C** Quodque ferox miles censu pensare nequibat,  
 Rimari in gelidis cœpit per vulnera sifris,  
 Nec mirum : nam semper erunt, semperque resurgunt,  
 Quos furor in famulos Domini malus excitet omnes.  
 Ut quod pro cunctis Christi censura peregit,  
 Cuncti hoc pro Christo faciant, licet impare facto.

#### X. CONCLUSIO.

Ille igitur Christi factus pro nomine martyr,  
 Testis, fert ut fama, loco requiescit eodem :  
 Multa ubi pro meritis dantur miracula sanctis,  
 Quo colitur Dominus digno veneranter honore  
 Cum sanctis, quorum meritis mea crimina solvi,  
 Credo, quibus laudum supplex donaria misi.  
 Nil negat his Christus, cui maxima lucra tulerunt,  
**D** Qui cum Patre pio, sanctoque in sæcula Flatu  
 Regnat, et æterno pollet sine fine decore.

anno 793, quo Lindisfarnensis ecclesia per eos destructa est. Diem mortis 19 Januarii signant recentiora Martyrologia et Benedictinum.